

ՌՈՒՄԻՆԻԱՅԻ ՀԱՆՐԱՊԵՏՈՒԹՅԱՆ ՆԱԽԱԳԱՀԸ ՄԱՅՐ ԱԹՈՌՈՒՄ

Հոկտեմբերի 5-ին Մայր Աթոռ Սուրբ Էջմիածնում Ն.Ս.Օ.Տ.Տ. Գարեգին Բ Ծայրագույն Պատրիարք և Ամենայն Հայոց Կաթողիկոսն ընդունեց Ռումինիայի նախագահ Տրայան Բասեսկուին և նրա գլխավորած պատվիրակությանը՝ ՀՀ Կապի և տրանսպորտի նախարար Անդրանիկ Մանուկյանի և երկու երկրների դեսպանների ուղեկցությամբ: Հանդիպմանը ներկա էր նաև Մայր Աթոռի Վարչակազմակերպական գործերի կառավարիչ Տ. Փառեն եպիսկոպոս Ավետիքյանը:

Ողջունելով Ռումինիայի նախագահին համայն հայության հոգևոր կենտրոն Մայր Աթոռ Սուրբ Էջմիածնում՝ Նորին Սրբությունն ուրախություն հայտնեց, որ երկու երկրների հարաբերությունները ջերմ և բարեկամական սերտ զարգացում են ապրում: *«Մա շարունակականությունն է այն ջերմ կապերի, որ առկա են եղել մեր ժողովուրդների միջև դարեր ի վեր՝ վաղ միջնադարից սկսած: Եվ մեզ համար ուրախակալի է, որ հայ համայնքն այնտեղ շատ աշխույժ կյանքով է ապրում, և ռումինաբնակ հայորդիներն իրենց նվիրյալ ծառայությամբ կարևոր ներդրում են ունենում Ռումինիո կյանքից ներս»*, - ասաց Ամենայն Հայոց Հայրապետն իր խոսքում՝ վերհիշելով նաև Ռումինիայում ծնված և քաղաքացիություն ստացած Ամենայն Հայոց 130-րդ Հայրապետ երջանկահիշատակ Վազգեն Ա-ի գահակալության տարիները և լուսահոգի Հայրապետի դերը Մայր Աթոռի բարեկարգման գործում:

Վեհափառ Հայրապետն իր գոհունակությունը հայտնեց նաև Եվրոպական Միության ընդլայնման և առաջիկա տարում Ռումինիայի՝ ԵՄ-ին անդամակցելու կապակցությամբ: Նորին Սրբությունն իր եղբայրական սիրո ողջույնը հղեց Ռումին Ուղղափառ Եկեղեցու հովվապետ Թեոկտիստ Պատրիարքին:

Իր հերթին Ռումինիայի նախագահը, ուրախություն հայտնելով Հայ Առաքելական Եկեղեցու հոգևոր կենտրոն այցի առիթով, իր երախտագիտությունը հայտնեց Ամենայն Հայոց Կաթողիկոսին ջերմ ընդունելության համար՝ իր հարզանքը հայտնելով Հայ Եկեղեցուն և Հայոց Հովվապետին: Նախագահ Բասեսկուն կարևորեց հոգևոր արժեքների, կրոնների, ինչպես նաև միջեկեղեցական ու միջկրոնական երկխոսությունների դերը մարդկության առջև ծառացած հիմնախնդիրների լուծման գործում:

Ռումինիայի նախագահն իր խոսքում նշեց, որ մեծ հարզանք է տաճում հայ ժողովրդի պատմության նկատմամբ, և ընդգծեց, որ Հայաստանը, որպես քրիստոնյա պետություն, իր տեղն ունի եվրոպական քրիստոնյա պետությունների կողքին:

*ՄԱՅՐ ԱԹՈՌ ՍՈՒՐԲ ԷԶՄԻԱԾԻՆ
ՏԵՂԵԿԱՏՎԱԿԱՆ ՀԱՄԱԿԱՐԳ*



ԿԵՆՏՐԱԼ ՀԱՅՐԱԹԵՏԸ ՈՒՍՈՒՆԻՒՆԻՑԻ ԱՄԵՐԻԿԱՆԻ ԳԻՒՆԱԳԻՆԻՉ ԴԱՏԱԿԱՆԱՌԹՅԱՆ
ՇԵՏ ԱԵՆՆԱՆՈՒՄ ԳՏՆԱՊՈՂ 1294 Թ. ԳԵՂԱՆՅՈՒՄ ԽԱՉԶԱՐԻ ՄԱՏ



ԲԵԼԱՌՈՒՄԻ ՎԱՐՉԱՊԵՏԸ ՆՈՐԱՆ ՄՐԲՈՒԹԱՅԱՆԸ Է
ՆԱԳԻՐՈՒՄ «ՏԳՆ ԱՊՈԼՈՆԱՆԻ ՄԱՆԱԿԱՆ ՆԵՏ» ՄՐԲՈՒՄԸ